

影印
文淵閣

四庫全書

影印

文淵閣四庫全書

第五七三冊

北京出版集團公司
北京出版社

本册目次

水經
卷

注首

後魏

酈道元撰

……
一

欽定四庫全書

史部
水經注
卷首
目錄

詳校官監察御史臣周元良

刑部郎中臣許兆椿覆勘

總校官庶吉士臣何思鈞

校對官中書臣王鍾泰

謄錄監生臣畢所誦

欽定四庫全書

水經注卷首

御製熱河攷

攷水源而不親履其地晰其支派脉絡分合之由雖博
綜載籍稽諸故老之流傳不能參互而訂其踏履或以
熱河為濡水之源余固心疑之而未暇深攷夫濡水即
灤河自多倫諾爾之北而來其源甚遠又折而東南數
百里乃厯喀喇河也又東南流數十里至鳳凰嶺熱河
欽定四庫全書

水經注
卷首

乃南注會之不應其源反出於此蓋濡自有源而熱河
又別有源是不容紊今秋駐山莊遣喀喇沁郡王拉特
納錫第內大臣努三往尋熱河之源則得之于察罕陀
羅海蒙古語察罕謂白陀羅其地距熱河二百里而贏
流經固都爾呼達巴罕麓蒙古語固都爾呼者遂名固
都爾呼河西南至於中關東茅溝河水自玳瑁溝出西
南流注之又合而南流賽音郭勒河水蒙古謂好為賽
自霍爾霍克蒙古語達巴罕之三道溝出南流折而西

南與湯泉泉出山莊東北湯山合又西注之三源既匯又西南流

沿山莊東北歷鍾峯下山莊行宮內亦有溫泉流出匯

之于是始有熱河之名南流折而東復折而南入于灤

是則熱河乃會濡水而非濡源審矣酈道元水經注云

濡水又東南流武列水入焉其水三川派合西源曰西

藏水西南流東藏水注之東藏水出東谿西南流與中

藏水合又南右入西藏水故目其川曰三藏川又東南

流逕列谿謂之武列水東南歷石挺下層巒之上孤石

欽定四庫全書

水經注
卷首

三

雲舉高可百餘仞其水合流入濡按道元所言石挺即

今鍾峯其曰三藏水即今固都爾呼茅溝賽音郭勒三

源則熱河之為武列水無疑第古今異稱今人但知熱

河而不知武列耳然所云三川合流之敘則不足据今

攷固都爾呼為西源茅溝為中源賽音郭勒為東源西

源自北而來先合中源又南始與東源合道元所謂西

藏水又豈能越中藏而先與東藏合哉此其敘述錯綜

已足滋惑而以中藏為先合東藏則又其顯然大謬者

也又如以濡水為經白檀北夫白檀乃今密雲實非濡

水所經則誤以漢書地理志之洹水亦名鮑丘水即今潮河為濡

又從而傳會之矣蓋徒尚耳食而未親履其地晰其支

派脈絡分合之由毋怪乎其舛也或以為熱河既會濡

而東入于海則謂之濡源亦無不可何須置辨是大不

然夫江淮河濟何一不入于海而皆謂之海可乎昔禹

貢載導河自積石或以為亦若江之岷山淮之桐柏矣

及平定回部乃知河源自葱嶺以東之和闐葉爾羌諸

欽定四庫全書

水經注
卷首

三

水瀦為蒲昌海即鹽澤蒙古語謂之羅布諾爾伏流地中復出為星宿

海蒙古語謂之鄂敦諾爾即元史誤譯為火敦腦兒者其水在枯兩坤之東昔皇祖遣使窮河源得之

于此御製文以記其時回部未入版圖故止及星宿海也至積石始名黃河則大

禹所記亦第就目所經見者而言道元又安能以所未

經見者而一一詳訂其曲折也耶苟非命使親履其地

烏知此之為是而彼之為非乎近勅儒臣輯熱河志故

攷其源俾知所從事若夫濡水之源則更俟他日詳攷

之

御製灤河濡水源攷證

濡水見史傳者凡五

說文故東安入漆洑者涿郡之濡也廣輿記出易州窮獨山一名聖

女水者易州之濡也竝音儒左傳出高陽者河間之濡也音而三水皆由天津入海此獨石口外之濡諸如難

音與濡近其水自由永平府之樂亭縣入海與畿內三濡迥不相涉又水經注蒼梧之濡水出永豐縣濡山字

亦音儒名亦適相同耳而惟灤河之濡水源遠流長雄于其四鄰

道元水經注所云出禦夷鎮者也昨歲命方觀承考濡

源委亦既繪其梗概條分縷析而為之說矣然以漢文

訓蒙古語未如同文韻統得字音之正而鄂博之類穿

欽定四庫全書

水經注

四

鑿更甚蒙古語謂堆砌石以表祭處為鄂博方觀承乃書作義較且引鄭氏及詩大雅之言證為較祭

行路神之為義鑿而謬矣曾為鄂博說以正其誤他如們緯克之為們惟達巴罕之為大垣類此者不可枚舉難

以一一為之辨訂也因命嚮道大臣努三挈方觀承所遣同知黃

立隆者重循其源以至其委于是二千餘里之灤河曲

折分合盡得其實因詳注其地名及諸水之匯流而屬

道元歐陽修等竝元史河渠志所載相舛誤者都為四

條攷證如左夫江淮河濟中國之四瀆也其理大物博

較之灤河濡水不啻倍蓰而禹貢以數語盡之茲注濡

水數千言猶有未盡焉古今相去不可及者如此蓋得

其簡則足以提要而欲其詳反不免致繁抑以塞外中

土語言不同人跡罕至斯固難易所由殊然則就同文

韻統會中外而傳濡水之實詎不在此時乎哉

灤河源出獨石口外東北一百餘里巴延屯圖古爾山

山為興安正路自張家口向東至獨石口外為大山折而西北遇上都城入于圍場之海喇堪與興安大嶺相

連屬出泉處較興安山梁尤為特出山陽山陰樹木茂密與他山異信為名山山陽為民人居址山陰皆察哈

爾蒙古游牧地四泉湧出名都爾本諾爾涓流曲折伏而復現

欽定四庫全書

水經注

五

西北經訥克里和洛有小水自東注之又北經哈丹和

碩之西噶爾都思台之水自東注之又曲折西北流至

茂罕和碩自都爾本諾爾至此計七十餘里三道河自東來匯之一其水

摩霍爾達巴罕一出伊克達巴罕一出楚庫爾蘇達巴罕各相距十餘里匯為一河河流始暢又

西北流復有二小水一自布爾噶蘇台一自克爾哈達

先後來注之八十里經察罕格爾俗名西涼亭烏蘭河屯至

上都店入多倫諾爾界又北流十餘里經淖海和碩折而東北

二百五十餘里經博洛河屯至庫爾圖巴爾噶遜河屯

喀喇烏蘇自東注之又三十餘里至上都河屯上都即元開平

府灤水經其城南故名上都河察罕諾爾自北注之又六十餘里經都

什巴延珠爾克山至察罕鄂博東克伊綏河自東北來

匯之河出興安山梁之陽南流伊克霍爾昆巴罕霍爾昆伊札爾三水自東注之西與海留台河合而為

一入于上都河河水倍暢折而東南流十八里至磴口額爾德

尼布拉克自西注之其水經多倫諾爾之北又十二里至大河口

圖爾根伊札爾河自東北來匯之其水亦出興安山梁之陽逕迤西南流錫

喇札拜自北入之又西南流摩霍又南流七里沙岱布爾伊札爾自東南入之匯注于此

欽定四庫全書

水經注

卷六

拉克自西注之又折而西南流二里霍洛圖布拉克自

東注之又九里海拉蘇台河自西注之又一里蒐集布

拉克自東注之又南流一里渾齊布拉克亦自東注之

又十里察罕郭勒自西注之又十一里什巴爾台河自

東北注之其水出伊克空鄂洛鄂博西為木蘭園場西界又折而西復折而南

八里克籌布拉克自西注之又十七里經鴈北灘八四旗廳

布爾噶蘇台哈丹和碩河自西注之又十七里經半

壁山又南經大廟灣折而東復折而西南五十八里頭

道河自西注之又二里羅密塔子亦自西注之轉而東

南流三十二里至木廠又折而東流二十四里經韭菜

梁又九十五里經小遼東至瓜地摩霍爾阿爾善所出

之湯泉自南注之又二十七里經西屯庫爾奇勒河俗名

小灤其水出興安山梁之陽三支分引過自北來匯之

國卡倫哈朗圭達巴罕珠爾噶台海拉蘇白諸水折而東南會霍爾郭勒哈爾渾諸水又噶拜卓索阿魯布拉克昂阿諸水復先後會

之合為一河注于此自此遂名灤河又二十七里至

郭家屯折而南流四十六里至大對山又折而東復折

欽定四庫全書

水經注

卷七

而南屈曲行八十餘里至興隆莊入喀喇河屯界南流五十九

里經五道河折而西南流四十九里至張博灣興州河

自西北來匯之其源出沙爾呼山西經土城子東南流曲注于此折而東流七

十餘里經喀喇河屯繞行宮東流伊遜河自北來匯之

其水發源圍場內西流經博洛河屯與伊瑪圖河合西南流屈折注此東南流三十四里

至石門入熱河又四十七里經鳳凰嶺固都爾呼河自

東北來匯之其源出固都爾呼達巴罕西南流與茅溝河合又與賽音郭勒河合三源既匯沿避

暑山莊東北其水會茅溝後即與湯泉合至水至此益是行宮內亦有溫泉流出匯之遂名熱河

大折而南流四十三里白河自西注之

此與發源瑪尼園達巴罕經密

雲縣會潮河之白河異又三十三里老牛河自東北注之又三十

三里至滴水崖南二河自東注之又十里柳河自西注

之又六里車河自西注之又三十餘里至門子哨

入連安縣

界黃花川自西注之又三十二里清河自東注之又九

里豹河自東北注之折而西流二十里經灤河灘又南

流折而東復折而西經楊枝峪又東南流二十一里入

潘家口折而東又折而西十里經走馬哨又二十四里

欽定四庫全書

水經注卷首

至澈河橋澈河自西注之又曲折東南流七十餘里至

白布店恒河自西北注之又折而東流十餘里至煤峪

口長河自東北注之又七十三里過平崖子清河自東

北注之

此與黃花川南之清河異

折而南流二十餘里至峽口蛤螺

河自東注之又二十九里過遷安縣西經黃臺山又二

十三里折而東三里河自東注之

其河與二道泉合

又南流二

十餘里經孤竹城

入盧龍縣界

又三十五里至合河口青龍

河自東北來匯之

其源出特布克入桃林口復有一水自冷口來會之經永平府城西過虎

頭石入河流至此勢益寬大又十一里繞雪峯寺又二

十一里過武山西橫河自西注之又三里至偏涼汀

入灤

又東南流五十六里過定流河

入樂亭縣界

至老河口

灤河故道今涸

又西南流二十里至小河崖清河自

西北注之

此與黃花川南及平崖子之清河俱異

又七里至石家圪灤自

此分支

名高密河常涸大雨時仍分流達海

折而西南流五十餘里至新

橋口入于海自河源至此約二千餘里

酈道元水經注云濡水出禦夷鎮東南按禦夷鎮為北

魏六鎮之一其建鎮之所雖不可攷而魏太祖紀云築

長城于長川之西自赤城西至五原延袤二千里又魏

世祖破蠕蠕列置降人于漠南東至濡源西繫五原陰

山分六鎮是禦夷居六鎮之東自獨石口外至開平皆

其故地以今所攷上都河源方向核之道元所言非盡

無稽惟云二源雙引夾山西北流則未能實辨都爾本

諾爾為濡水正源而以夾山來會之三道河誤為濡源

又西北逕禦夷故城東其遺跡無可据惟以鎮北百四十里計之當在今烏蘭河屯之地其餘諸山水雖與今圖不能悉合然所云又北逕其安山東屈而東北流似即今之多倫鄂博圖其云逕沙野西又逕沙野北則似指伊克們綽克至喀喇烏蘇一帶沙磧言之其云三泉鴈次合為一水注呂泉水則似今之克伊綏河合伊克

霍爾昆等三源也云逆流水則似今之伊札爾也云木

林山水則似今之海留台水也云又東盤泉水自西北

欽定四庫全書

水經注
卷首

十一

東南流注濡河則似今額爾德尼布拉克也又所云東南水流迴曲謂之曲河以今圖屈折形勢觀之蓋即今大河口自此以下道元即闌入白檀要陽按其地距所云會武列水之熱河境尚七百餘里漢時郡縣安得至此其舛尚何待深辨乎至云濡水又東南逕盧龍塞則為今之潘家口無疑其云塞道自無終東出渡濡水向林蘭陁東至清陁無終為今玉田林蘭陁蓋今喜峯口清陁即今冷口即此以證不特塞垣疆界了然即田疇

引曹操迴軍盧龍塞之處亦可得其大概矣其自潘家口以內至入海處鄭注所記州邑山水雖名稱今昔不同而以志乘訂之皆約略可數而未至大舛蓋道元于諸水源委詢攷綦詳故所言時有相合者惟未嘗親履其地且以漢言誌蒙古山水名目往往傳訛傳會更不免謬以千里則泥古而不知覈實之過也

歐陽修云灤水出炭山東北胡三省通鑑注因之其後

陳組綬職方圖攷顧祖禹方輿紀要皆從其說今攷獨

欽定四庫全書

水經注
卷首

十二

石口外無所謂炭山者惟巴延屯圖古爾山據努三云土人名其山為黑老山按昔人有謂濡水出黑龍山者龍老音轉承訛黑龍山之言似不為妄今巴延屯圖古爾山其陽石色黝黑所謂炭山或即指此而明一統志乃以萬全縣南之炭山當之其地距獨石三百餘里則更風馬牛不相及矣

元史河渠志灤水出金蓮川中今獨石口外濡源相近處無所謂金蓮川者按金史地理志云桓州曷里許東

川更名曰金蓮川又元史地理志云世祖命劉秉忠相
宅于桓州東灤水北之龍岡中統元年為開平府五年
加號上都即今之上都河屯正在灤水之北桓州尚在
其西攷元周伯琦扈從北行記云至失八兒禿地多泥
淖驛路至此相合地多異花有名金蓮花者似荷而黃
至察罕腦兒猶漢言白海也歷數驛始至桓州又王惲
中堂事記云灤野蓋金人駐夏金蓮云云攷其地皆與
上都河屯相近失八兒禿當為什巴爾台蒙古語泥淖
欽定四庫全書

水經注
卷首

主

處也在上都西少北察罕腦兒當為察罕諾爾蒙古語
白湖也在上都南少西金蓮川當在什巴爾台察罕諾
爾之間元陳孚金蓮川詩云茫茫金蓮川日映山色赭
昔人建離宮今但存古瓦蓋金時于此建景明宮為避
暑之所許安仁疏有金蓮千里之外語以距京師道里
計之亦相合又今什巴爾台少西北有和洛和山蓋即
金史所謂曷里辭者川在其東去獨石口幾五百里其
非濡源明甚周伯琦賦得灤河送蘇伯修詩云清灤悠

悠北斗北千折縈環護邦國直疑銀漢天上來金蓮滿
川淨如拭蓋灤河先逕金蓮後至上都伯琦詠灤河而
兼及金蓮殆指河流所經言之修元史者直以為灤出
金蓮川中誤矣

欽定四庫全書

水經注
卷首

主

欽定四庫全書

史部十一

水經注目錄

地理類四
河渠之屬

卷一

河水

卷二

河水

卷三

河水

卷四

河水

卷五

河水

卷六

汾水

涑水

原公水

欽定四庫全書

水經注
目錄

晉水

湛水

卷七

濟水

卷八

濟水

卷九

清水

淇水

欽定四庫全書

水經注
目錄

洹水

卷十

濁漳水

清漳水

卷十一

易水

滹水

卷十二

聖水

巨馬水

卷十三

沁水

蕩水

灤水

卷十四

濕餘水

沽河

鮑丘水

濡水

大遼水

小遼水

涿水

卷十五

洛水

伊水

欽定四庫全書

水經注
目錄

三

灋水

澗水

卷十六

穀水

甘水

漆水

澹水

沮水

卷十七

渭水

卷十八

渭水

卷十九

渭水

卷二十

漾水

丹水

卷二十一

汝水

卷二十二

欽定四庫全書

水經注
目錄

四

潁水

洧水

潁水

潏水

渠

卷二十三

陰溝水

汭水

獲水

卷二十四

睢水

瓠子河

汶水

卷二十五

泗水

沂水

洙水

卷二十六

洧水

巨洋水

淄水

汶水

澠水

膠水

欽定四庫全書

水經注
目錄

卷二十七

沔水

卷二十八

沔水

卷二十九

沔水

潛水

湍水

均水

粉水

白水

五

比水

卷三十

淮水

卷三十一

澧水

涓水

澧水

濯水

瀕水

漁水

涓水

欽定四庫全書

水經注
目錄

卷三十二

涓水

蘄水

決水

沱水

泄水

肥水

施水

沮水

漳水

夏水

羌水

涪水

梓潼水

涪水

六

卷三十三

江水

卷三十四

江水

卷三十五

江水

卷三十六

青衣水

欽定四庫全書

水經注
目錄

七

桓水

若水

沫水

延江水

存水

溫水

卷三十七

淹水

葉榆河

夷水

油水

澧水

沅水

浪水

卷三十八

資水

連水

湘水

灘水

溱水

卷三十九

匯水

深水

鍾水

耒水

洙水

澠水

欽定四庫全書

水經注
目錄

八

瀏水

潁水

贛水

廬江水

卷四十

漸江水

斤江水

江以南至日南郡二十水

禹貢山水澤地所在

臣等謹案水經注四十卷後魏酈道元撰道

元字善長范陽人官至御史中尉自晉以來

注水經者凡二家郭璞注三卷杜佑作通典時猶見之今惟道元所注存崇文總目稱其

中已佚五卷故元和郡縣志太平寰宇記所

引滹沱水涇水洛水皆不見于今書然今書

仍作四十卷疑後人分析以足原數也是書

自明以來絕無善本惟朱謀埠所校盛行于

世而舛謬亦復相仍今以永樂大典所引各

按水名逐條參校非惟字句之訛層出疊見

其中脫簡有自數十字至四百餘字者其道

元自序一篇諸本皆佚亦惟永樂大典僅存

蓋當時所據猶屬宋槧善本也謹排比原文

與近本鈎稽校勘凡補其闕漏者二千一百

二十八字刪其妄增者一千四百四十八字

正其臆改者三千七百一十五字神明煥然

頓還舊觀三四百年之疑實一旦曠若發蒙

是皆我

皇上稽古右文經籍道盛鄉嫗宛委之祕響然竝
臻遂使前代遺編幸逢

昌運發其光于蠹簡之中若有神物撫呵以待

聖朝而出者是亦曠世之一遇矣至于經文注語

諸本率多混淆今考驗舊文得其端緒凡水

道所經之地經則云過注則云逕經則統舉

都會注則兼及繁碎地名凡一水之名經則

首句標明後不重舉注則文多旁涉必重舉

其名以更端凡書內郡縣經則但舉當時之

名注則兼考故城之迹皆尋其義例一一釐

定各以案語附于下方至塞外羣流江南諸

派道元足跡皆所未經故于灤河之正源三

藏水之次序白檀要陽之建置俱不免附會

乖錯甚至以浙江妄合姚江尤為傳聞失實

自我

皇上命使履視盡得其脈絡曲折之詳

御製熱河考源考證諸篇為之挾摘舛謬條分

縷擘足永訂千秋耳食沿訛謹錄弁簡端永

昭定論又水經作者唐書題曰桑欽然班固

嘗引欽說與此經文異道元注亦引欽所作

地理志不曰水經觀其涪水條中稱廣漢已

為廣魏則決非漢時鍾水條中稱晉寧仍曰

魏寧則未及晉代推尋文句大抵三國時人

今既得道元原序知竝無桑欽之文則據以

欽定四庫全書

水經注
目錄

十一

削去舊題亦庶幾闕疑之義爾乾隆四十四

年二月恭校上

總纂官_臣紀昀_臣陸錫熊_臣孫士毅

總校官_臣陸費墀

酈道元水經注原序

序曰易稱天以一生水故氣微于北方而為物之先也

玄中記曰天下之多者水也浮天載地高下無所不至

萬物無所不潤及其氣流屆石精薄膚寸不崇朝而澤

合靈宇者神莫與竝矣是以達者不能測其淵沖而盡

其鴻深也昔大禹記著山海周而不備地理誌其所錄

簡而不周尚書本紀與職方俱略都賦所述裁不宣意

水經雖粗綴津緒又闕旁通所謂各言其志而罕能備

欽定四庫全書

水經注
原序

一

其宣導者矣今尋圖訪蹟者極矚州域之說而涉土遊

方者寡能達其津照縱髣髴前聞不能不猶深屏營也

余少無尋山之趣長違問津之性識絕深經道淪要博

進無訪一知二之機退無觀隅三反之慧獨學無聞古

人傷其孤陋捐喪辭書達士嗟其面牆默室求深開舟

問遠故亦難矣然毫管闕天厯筭時昭飲河酌海從性

斯畢竊以多暇空傾歲月輒述水經布廣前文大傳曰

大川相間小川相屬東歸于海脈其枝流之吐納診其

沿路之所躋訪瀆搜渠緝而綴之經有謬誤者考以附正文所不載非經水常源者不在記注之限但縣古芒昧華戎代襲郭邑空傾川流戕改殊名異目世乃不同川渠隱顯書圖自負或亂流而攝詭號或直絕而生通稱枉渚交奇洄湍決瀆躋絡枝煩條貫系夥十二經通尚或難言輕流細漾固難辯究正可自獻逕見之心備陳輿徒之說其所不知蓋闕如也所以撰證本經附其枝要者庶備忘誤之私求其尋省之易

欽定四庫全書

水經注
原序

欽定四庫全書

水經注卷一

魏 酈道元 撰

河水

案二字原本誤連經文今改正近刻河水下有一二等字乃明人臆加今刪去

崑崙墟在西北

三成為崑崙丘崑崙說曰崑崙之山三級下曰樊桐

一名板桐

案桐近刻訛作松

二曰玄圃一名閭風上曰層城

案層近刻作增

一名天庭是為太帝之居

欽定四庫全書

水經注
卷一

去嵩高五萬里地之中也

禹本紀與此同高誘稱河出崑山伏流地中萬三千

里禹導而通之出積石山按山海經自崑崙至積石

千七百四十里

案近刻千上有一字

自積石出隴西郡至洛準

地志可五千餘里又按穆天子傳天子自崑崙

案近刻作崑

入于宗周乃里西土之數自宗周瀍水以西

崑崙山刻作以西北衍北字

至于河宗之邦陽紆之山三千有四百里

自陽紆西至河首四千里合七千四百里外國圖又